



Arkiv: K2-C22
JournalpostID: 19/11907
Sakshandsamar: van Gangelen,
Jeroen
Dato: 11.10.2019

Saksframlegg

Saksnr. utval	Utval	Møtedato
026/19	Komit� oppvekst og kultur	23.10.2019
069/19	Kommunestyret	23.10.2019

Prosjekt om kartlegging av friluftsomr der i Askvoll kommune

R dmannen sitt framlegg til vedtak:

1. Askvoll kommune inng r avtale med Sogn og Fjordane fylkeskommune om kartlegging og verdsetjing av friluftsomr de
2. Askvoll kommune startar opp arbeidet med prosjektet for kartlegging og verdsetjing av friluftsomr de i Askvoll kommune i tr d med saksframlegget
3. Det vert sett ned ei arbeidsgruppa best ande av f lgjande personar:
 - a. r dgjevar Jeroen van Gangelen – prosjektleiar
 - b. folkehelsekoordinator Arve  snes
 - c. avdelingsingeni r Andreas Rivedal

R dmannen f r mynde til   supplere arbeidsgruppa ved behov.

23.10.2019 Komit  oppvekst og kultur

Handsaming:

R ysting - samr ystes:

Komit  for oppvekst og kultur er samd i r dmannen sitt framlegg.

KOK-026/19 Vedtak:

Tilr ding:

Kommunestyret godkjenner r dmannen sitt framlegg til vedtak.

23.10.2019 Kommunestyret

Handsaming:

R ysting - samr ystes:

Komit  for oppvekst og kultur si tilr ding vart vedteken.

KOM-069/19 Vedtak:

1. Askvoll kommune inngår av avtale med Sogn og Fjordane fylkeskommune om kartlegging og verdsetjing av friluftsområde
2. Askvoll kommune startar opp arbeidet med prosjektet for kartlegging og verdsetjing av friluftsområde i Askvoll kommune i tråd med saksframlegget
3. Det vert sett ned ei arbeidsgruppa beståande av følgjande personar:
 - a. rådgjevar Jeroen van Gangelen – prosjektleiar
 - b. folkehelsekoordinator Arve Åsnes
 - c. avdelingsingeniør Andreas Rivedal

Rådmannen får mynde til å supplere arbeidsgruppa ved behov.

Kva saka gjeld:

Oppstartsvedtak for prosjekt om kartlegging og verdsetjing av friluftsområde i Askvoll kommune

Saksutgreiing:

Kommunane i Sogn og Fjordane har motteke førespurnad frå fylkeskommunen om å delta i prosjekt om kartlegging og verdsetjing av friluftsområde i kommunane.

Det er eit nasjonalt mål at alle kommunar i landet skal ha kartlagt og versett sine friluftsområde innan utgangen av 2018. Sogn og Fjordane fylkeskommune sette i 2017 i gong eit prosjekt for å følgje opp kommunane ved å yte fagleg støtte i arbeidet, slik at alle kommunar i fylket skal få gjennomført friluftslivskartlegginga. Per i dag er ingen av kommunane ferdig med prosjektet, og fylkeskommune har difor fått forlenga det ut 2019. Fylkeskommunen har leigd inn FNF Forum for natur og friluftsliv i fylket som prosjektkoordinator, og dei følgjer opp kommunane undervegs i prosjektet.

Sogn og Fjordane fylkeskommune og Miljødirektoratet yter 40.000 kroner i tilskot ti å gjennomføre arbeidet. Prosjektleiaren får eit ansvar for framdrift undervegs, inkl. møteplanlegging, reinteikning av manuskart og samanstilling av eigenskapsdata. Jf. telefonsamtale med prosjektkoordinator fekk sakshandsamar stadfesta at tilskotet og vert utbetalt i 2020 til kommunar som ferdigstiller arbeidet då.

Kartlegging og verdsetjing av friluftsområde følgjer [Miljødiretoratet si handbok «Veileder M98-2013»](#). Kartlegginga legg særleg vekt på nærtuområde i nærtuområde og grøntområde i og nær busetnad og tettstader.

Kartlegging og verdsetjing av friluftsområde er ei rein temakartlegging, og ikkje ein plan. Det ligg ingen bindingar i temakartet.

Kartlegging og verdsetting av friluftsområde er ei nasjonal satsing. Den er forankra i:

- Nasjonal strategi for eit aktivt friluftsliv, 2013
- Handlingsplan for statleg sikring av friluftsområder, 2013
- St. meld. 18, 2015-2016 Friluftsliv – natur som kjelde til helse og livskvalitet

Sogn og Fjordane har ansvaret for å koordinere arbeidet i vårt fylke. Sjølv kartleggingsarbeidet vert gjennomført av Askvoll kommune, i regi av ei arbeidsgruppe med lokal prosjektleiing. Denne gruppa vurderer relevant informasjon, kartfestar areala og gjev ei skildring av dei ulike områda. Det vert òg innhenta ytterlegare kunnskap lokalt i ulike delar av kommunen for å sikre ei mest mogeleg heilskapeleg kartlegging av friluftsområda. Det er berre friluftsliv som er tema i kartlegginga. Avveging mot andre interesser er ikkje ein del av arbeidet.

Føremålet med kartlegginga:

Føremålet med arbeidet er å få på plass eit betre kunnskapsgrunnlag om friluftsområda i kommunen – eit temakart. Friluftssareala i kommunen har stor verdi for å skape identitet og trivsel. Dei er viktige for det helsefremjande arbeidet og ein viktig ressurs òg for næringslivet i kommunen.

Eit temakart for friluftsområda, utarbeidd etter ein nasjonal metodikk:

1. sikrar god tilgang på relevant friluftslivsinformasjon i kommunen sitt eige arbeid og for eksterne partar.
2. sikrar eit godt kunnskapsgrunnlag for utviklingsarbeid innan friluftsliv i kommunen

Resultat

Resultatet av dette arbeidet er eit digitalt temakart som lagrast i «*Naturbase*», med kommunen som eigar av datasettet. *Naturbase* er eit datahotell i denne samanheng, og datasettet vert lasta inn i kommunen sitt eige digitale kartverktøy når kartlegginga er ferdigstilt.

Organisering av prosjektet:

Prosjektkoordinator: Sogn og Fjordane fylkeskommune v/Elisabeth Dahle (FNF Forum for natur og friluftsliv er leigd inn).

Prosjekteigar: Askvoll kommune

Framlegg til arbeidsgruppa:

- Rådgjevar Jeroen van Gangelen – prosjektleiar
- Folkehelsekoordinator Arve Åsnes – prosjektmedarbeidar
- Avdelingsingeniør Andreas Rivedal – prosjektmedarbeidar med ansvar for koordinering av digitalisering av materialet og ferdigstilling av kartdata for overføring til Naturbase.

I tillegg vert det lagt opp til at det vert henta inn ekstern hjelp frå organisasjonar og ressurspersonar med god oversikt over ulike typar friluftsliv i kommunen, som t.d. tilsette i skular og barnehagar, velforeiningane, idrettslag og turlag.

Arbeidsplan:

Oppgåve:
Oppstartsvedtak, inkludert å setje ned ei arbeidsgruppa: 23.oktober.2019
Første møte i arbeidsgruppa: metode eller arbeidsform, skaffe fram informasjon om friluftsområda, avgrense område eller teste metode: 25.oktober.2019
Skaffe fram og systematisere eksisterande informasjon, kontakt mot barnehage og skule. Her vert det lagt vekt på nærturområde og snarvegar – november 2019
Møte i arbeidsgruppa: avgrense og skildre friluftsområde – november 2019
Møte i arbeidsgruppa: verdsette friluftsområda og eventuelt justere avgrensing og oppdeling av område. Ferdigstille manuskart og tilhøyrande tabell med eigenskapar og skildring av kvart område. – desember. 2019 Digitalisere friluftsområda – januar 2020
Kvalitetssikre innhald og evtuelt føreta ei enkel «høyring» - februar 2020 Siste møte i arbeidsgruppa: lese korrektur på kart, eventuelt innarbeidd innkomne innspel etter høyringa – mars. 2020 Ferdigstille – overføre data til Naturbase – mars. 2020
Orientering for Askvoll kommunestyre – presentasjon av ferdig temakart og vedtak om å ta inn i kommunen sitt eige digitale kartsystem og opplegg for ajourhald – mars/april 2020

Det er eit mål at arbeidet er ferdig for heile kommunen innan 1.april 2020.

Ressursbruk:

Arbeidet vil utgjere om lag 5 – 6 vekerverk. I tillegg kjem 1 – 2 vekerverk arbeid med digitalisering av materialet og ferdigstilling av kartdata for overføring til Naturbase.

I tillegg kan det komme noko kostnader til møteverksemd. Samla danner det grunnlag for eigenandel ved tilskot.

Kommunen mottar 40.000 kroner i tilskot frå Sogn og Fjordane fylkeskommune og Miljødirektoratet til arbeidet.

Ekstisterande kunnskap om viktige friluftsområde i kommunen fins i:

- Kommuneplanen sin arealdel
- Kommunedelplan for idrett, friluftsliv og fysisk aktivitet
- Turbøker, turkart (m.a. prosjektet Kystarven – 20 stiar), turportal på nett, Fjelltrim

Konklusjon:

Mange kommunar i landet har erfart at ei slik kartlegging har stor nytteverdi både i planarbeid, ved sikring av areal, som kunnskapsgrunnlag for meir målretta tilrettelegging og som del av folkehelsearbeidet. Det vert lagt vekt på å følge opp kartlegginga i seinare arealplanlegging. Denne kunnskapen dannar grunnlaget for å vurdere friluftssinteresser i kommuneplanen sin arealdel og i kommunedelplanar. Tilgang på friluftsområde av høg kvalitet er viktig for å utvikle gode bu- og nærmiljø, for næringsutvikling, og for kommunen sitt helsefremjande arbeidet. Friluftssareala i kommunen har stor verdi for å skape identitet og trivsel.

Første førespurnaden om dette prosjektet kom allereie i mars 2016, men arbeidet har ikkje vorte prioritert grunna manglande kapasitet administrativt.

Prosjektet er tatt inn i handlingsprogrammet for tiltak i kommunedelplan for idrett, friluftsliv og fysisk aktivitet 2018-2021.

Rådmannen tilrår at Askvoll kommune inngår avtale med Sogn og Fjordane fylkeskommune om kartlegging og verdsetjing av friluftsområde, og startar opp arbeidet i Askvoll kommune i tråd med saksframlegget. Det vert sett ned ei arbeidsgruppa bestående av følgjande personar:

- a. rådgjevar Jeroen van Gangelen – prosjektleiar
- b. folkehelsekoordinator Arve Åsnes
- c. avdelingsingeniør Andreas Rivedal

Rådmannen får mynde til å supplere arbeidsgruppa ved behov.

Aktuelle lover, forskrifter, avtalar m.m.

Vedlegg i saka:

11.10.2019

Avtale mellom fylkeskommunen og kommunane.docx.as

200885

11.10.2019	Førespurnad om deltaking i prosjekt for kartlegging og verdsetting av friluftslivsområder i kommunen	200886
14.10.2019	Presentasjon av områdetyper - utarbeidd av Buskerud fylkeskommune	200941